



1. aggusti 2011

Inatsisartut suleriaasianni § 37, immikkoortoq 1 naapertorlugu imaattumik apeqquaqarpugut.

**Apeqquq:**

- 1) Ullumikkut tunitsiviit nioqqutissiorfiillu qassit nunaqarfinniippat?
- 2) Tunitsiviit nioqqutissiorfiillu nunaqarfinniittut qassit Namminersorlutik Oqartussat suliffeqarfiutaannit pigineqarpat?
- 3) Tunitsiviit nioqqutissiorfiillu nunaqarfinniittut qassit uninngappat? Tunitsiviit nioqqutissiorfiilluunniit uninngasut kikkunnik pigineqarpat?
- 4) Tunitsiviit nioqqutissiorfiillu nunaqarfinniittut qassit piginnittuminnut iluanaarutaasumik inger-lappat?
- 5) Naalakkersuisut isumaqarsinnaanerlutik tunitsiviit nioqqutissiorfiillu nunaqarfinniittut s.i. Royal Greenland A/S-imit namminersortunut aamma/imaluunniit nunaqarfimmiunut iluanaarutaasumik tunineqarsinnaagaluartut?
- 6) Nunaqarfinni tunitsiviit nioqqutissiorfiillu siusinnerusukkut namminersortunut aamma/imaluunniit nunaqarfimmiunut tuniniarlugit misilinneqarsimava?
- 7) Aappimik akisoqarpat: Tunisineq taanna qanoq angusaqarfiuva? Ingerlatsiviit tunineqartut pisortanit tapiiffigineqaratik ingerlasinnaasimappat?
- 8) Atassut isumaqarpoq tunitsivinnik aamma/imaluunniit nioqqutissiorfinnik nunaqarfinniittunik tigusinissamut taarsigassarsisinnaanissamut namminersorlutik ingerlassiniartut landskassemik qularnasveequsiiffigineqarsinnaasariaqartut. Naalakkersuisut isumaqarpat aningaasalersueriaaseq taamaattoq atorineqarsinnaasooq aammalu siulinnerusukkut tamanna misilinneqarsimanerpa?

(Inatsisartuni ilaasortat Knud Kristiansen amma Siverth K.Heilmann, Atassut)

## **Tunngavilersuut**

Atassummi ilimagaarput nunaqarfinni tunitsivinnik nioqqutissiorfinnullu namminersortunngorsaa-neq inuussutissarsiutip ajunnginnerusumik atugaqarfiulernissaanik nassataqassasoq, tassami namminersortunngorsaa-neq tunitsiviit nioqqutissiorfiillu akunnerminni unammillernerunissaannik ammaasussaammat. Tamatuma saniatigut inatsisartuni ilaasortatut ingerlatsivinnik taamaattunik piserusuttunik imaluunniit tiguserusuttunik tusagaqartarpugut. Siusinnerusukkut Maniitsup kommuneata aningaasaliisunik namminersortunik peqateqarluni suliffissuaq taamanikkut matoqqasoq pisiaraa. Tamanna Maniitsumi nunaqarfinnilu innuttaasunut aalisartunullu kingusinnerusukku iluaqutaasimaqaaq. Tassuunakku akileraarutitigut isertitat amerlipput isumaginnikkullu aningaasartuutit amerlinatik.

Taamaattumik nunaqarfinni tunitssivinnut nioqqutissiorfinnullu tunngasut paasinissaat Atassutip soqutigaa. Aammattaaq nunaqarfinni tunitsivinnik nioqqutissiorfinnullu namminersortut aamma/imaluunniit nunaqarfimmiut tigusinerinut tunngasumik misilittakkanik ilisimatinneqar-nissarput kissaatigaarput.